

Urbes.

Dividitur in Majorem sive Australem, & *Atropatiam* Septentrionalem. Hæc frigidior est, & idcirco minus culta. Urbs præcipua est *Sumachia*: sunt præterea *Derbent*, *Eres*, *Sechi* & *Giavor*. Illa cultior est: Urbem habet *Taurim* positam ad Orontis radices, distantem a Mari Caspio octo dierum itinere. Ambitus ejus pene xvi mill. pass. complectitur, quo spacio cc Civium millia contineri creduntur. Hæc sunt veterum *Ecbanana*, ubi Persarum reges ætate commorabantur. Eodem tractu terræ sunt *Turcoman*, *Saru*, *Sultan*, *Nassivan*, *Ardovil*, *Marant*. *Affyria* quæ hodie *Arzerum*, ad Ortum habet Mediam: ad Occasum Mesopotamiam: Armenia illi Septentrionalis est, Sufiana Australis. Provincias olim habuit *Arrapachitem*, *Adiabenam*, & *Sittacenam*: Urbem *Niniven* ad Tigrim, cujus ambitus lx mill. pass. complectebatur, *Sufiana* hodie *Chus* vel *Cusistan* appellatur: nomen habet a *Susis*, urbe primaria, cujus ambitus xv. mill. pass. quæ sic dicta a floribus, ut notat Athenæus: Susum enim Persis Liliū. Mesopotamia, quæ in sacris *Padan Aram*, hodie dicitur *Diarbecha*, sita est inter Euphratem & Tigrim, unde & nomen, quasi *Interamma*. Regio est pro situ & tempore varia: partē flumina impingunt: pars arida est & sterilis, herbis arboribusque destituta. Urbes præcipuæ sunt, *Orfa*, cujus ambitus vii mill. pass. & hac ipsa multo major *Caramit*. Metropolis Mesopotamiæ, quam *Selymus* Turcarum Imperator Sophis eripuit. *Merdin* sedes Patriarchæ Chaldaeorum: & *Mosus* Patriarchæ Nestorianorum, cujus auctoritas ad Indos usque & Cataium extenditur. In *Perside* quam nunc *Farsi* vocant vel *Farsistum* urbs est primaria *Siras*, quæ olim dicta fuit *Persopolis*, regia quondam Magorum sedes. Plinius vocat Persici Regni caput, & Regiam totius Orientis Curtius. *Hyrcania* hodie *Girgiana* dicitur vel *Corcam* vel *Dargument*, proxima Mari Caspio, quod propterea etiam Hyrcanum appellatur. Urbes habet *Hyrcanam* quæ Scythiis est *Cariath*, *Bestam*, & *Masandran*. *Margiana* quæ nunc *Iselbas* nominatur, ad Septentrionem Oxo fluvio terminatur. Urbs præcipua est *Iodion* quæ priscis *Antiochia* fuit. *Bactriana* hodie *Batter* vel *Charassaa* est Tartariæ Zagathæ pars. Urbes sunt *Bactra* quæ nunc *Bochara* & *Istigias*. *Paropamissus* Bactriana pars est ad Montem *Paropamissum*. Hodie regio vocatur, *Candahar* vel *Amblesam*. Primaria urbs est *Candahar* Emporium celeberrimum. *Aria* quæ a Metropoli sua *Eri* omnis vocatur ambitum xiii mill. pass. habet. *Carmania*, *Circam* vel *Chermain* ad Mare Indicum protenditur, usque ad *Gedrosiam*, urbibus & Portibus frequentibus. Metropolis est *Chirmain*. Sunt & in Carmania regna *Macran*, *Eracam*, *Guadel* & *Patan*. *Gedrosia* nonnullis creditur esse *Guzarate* falso, quum *Guzarate* sit ipsum regnum Cambaia. *Babylonia* inter Sinum Persicum & Mesopotamiam sita, dextra lævaque clauditur Sufiana & Arabia deserta: Nomen habet a *Babylone* urbe primaria. Adhæret ei Chaldaea. In Chaldaea Ur fuit, Iosepho *Ura*, unde Dei monitu *Abrahamus* in *Haran* Mesopotamiæ migravit. Multos habet hoc Regnum Fluvios, *Canac*, *Araxem* & *Cyrum* qui Mediæ partem Septentrionaliorem abluunt: In Affyria *Tygrim* In Sufiana *Enelzum*: In Mesopotamia *Euphratem*: In Margiana *Oxum*, *Arium*, & *Margim*: In Bactriana *Ochum*, navigabilem & alios: In Aria *Arium*. *Toucletum*, *Arapenem*: & alios. Nec desunt Montes, inter quos *Orontes*

Flumina.

Montes.